



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

LWETI 2014

EMAMAKI: 80

SIKHATSI: 2 ema-awa

Leliphepha linemakhasi la-13.

TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:

SIGABA A: Siviso	(30)
SIGABA B: Sifinyeto	(10)
SIGABA C: Luhlelo nekusetjentiswa kwelulwimi	(40)
2. Phendvula YONKHE imibuto ngeSiswati.
3. Cala LESO NALESO sigaba ekhasini LELISHA.
4. Dwebela ekugcineni kwaleso naleso sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Bhala ngebunono nangesandla lesifundzekako.
8. Caphelisisa sipelingi/lupelomagama nendlela lewakha ngayo imisho.
9. Hlela sikhatsi sakho ngalendlela:

SIGABA A: 50 emaminithi
SIGABA B: 30 emaminithi
SIGABA C: 40 emaminithi

SIGABA A: SIVISISO**UMBUTO 1**

- 1.1 Fundza lethekesthi lengentasi bese uphendvula imibuto letawulandzela.

ITHEKSTHI A**KUBA NELIPHUPHO NGEMPHILO YAKHO**

Labanye bakutsatsa kancane kutsi manyenti emaphupho langaphumelela lafihlwe emiculwini yemabhuku. Nkhosikati Masina waseLukwatini edvute naseBhadini ungufakazi wekutsi kunyenti lokungavula ematfuba lokufihlwe emibhalweni. Unenkampani lekutsiwa i'Siyembili Food Processing' lekhicita ijuzi yetitselo letsengiswa etitolo.

Nanobe kungasiso sodvwa sinatfo lesikhicitwa ngulenkhosikati, kodvwa ngiso sinatfo lesihamba embili. Asitjela ngekucala kwakhe Nkhosikati Masina lenkampani utsi bekatsandza kufundza emabhuku netincwadzi. Abefundze tonkhe tinhlobo temabhuku lokwenta kutsi atitsele nasemabhukwini ekudla. Ubone kutsi naye angavula yakhe inkampani yekwenta ijuzi. Emva kwekuhlanganisa lucwaningo nelwati lalutfole emabhukwini, ucale kwenta ijuzi ngemnyaka we-2009 afuna kubona kutsi kuyenteka yini. Utsi ulikholwa lelijulile.

Ubone konkhe kutihlanganela malula nje. Ngekubona kutsi ijuzi iyanatseka, ucale kusebentela eNhlazatje enta yona ijuzi abuye ayitsengise khona. Ucale ngebasiti lababili lakabafundzise kutsi ikuphi imfihlo yekunambitseka kwesinatfo sakhe. Ngemnyaka we-2010 ucale kuhamba afuna emakhasimende afuna nekuva kutsi iyanatseka yini lejuzi. Noko uphocenelekile kushiya emakhasimende labesametaye eNhlazatje ngenca yetimo letiphatselene nekusebenta ngekudla, njengekutsi likhaya lakhe belisetjentiselwa kutsi libe yindzawo yebhizinisi nekuhlala.

Utsi nanobe lendzawo beyiyinkhulu ngalokwanele kwenta lomsebenti, simo besingakulungeli kutsi kungakhicitwa lokudliwako. Ubone umuti wakhe lomkhulu usisombululo futsi kutawuncipha tindleko tekubhadala irenti. Nawungena kulendlu lasebentela kuyo uhlangabetana netigubhu letinyenti letigcwele tinatfo letinemibala leyehlukene. Kukhona nemiphongolo lemikhulu yensimbi nalomunye lonempompi ngaphasi. Abutwa ngalemiphongolo utsi ngiyo lenemikhuba ekhatsi. Ijuzi iphekwa khona ize itsi, 'tjiyo tjiyo sengivutsiwe' iphume ungabe usasinika lesingaboni.

Yentiwa njani yona lejuzi? Nkhosikati Masina ucale wakucacisa nje kutsi angatisho titsako letihlanganiswa kulesinatfo kodvwa angeke angene kakhulu endleleni yekwenta ngobe angatfuka sekayinatsa kulenye indzawo lejuzi. Wenta ijuzi yetitselo lebhala kutsi, '100% fruit juice', lokusho kutsi titselo todvwa letihlanganisiwe kulejuzi. Kukhona yemagwava, yemawolintji, yema-apula naletinye titselo. Utsi ba-oda i-'pulp' eHoedspruit eLimpopo.

i-'Pulp' nguloko lokusuke kukhishwe etitselweni. Ifika ngemiphongolo kodvwa angeke uyinatse ngobe isuke ishubile, inganambitseki kahle. Nayo yehlukene ngetinhlobo tetitselo. Ucala lapho-ke umshikashika sekufike i-'pulp'. Iphekwa ema-awa la-8 ngendlela yakhe Nkhosikati Masina langayiveti ebaleni. Nkhosikati Masina utsi unemakhasimende langetulu kwe-200 kulesifundza saseMpumalanga.

Lamakhasimende afaka ema-oda bese uyawadilivela njengobe ingatfolakali etitolo talapha. Ucabanga kugucula umuti wakhe ube yindzawo yekusebentela ngobe nemyeni wakhe unalamanye emabhizinisi. Nkhosikati Masina uyawatsenga nalamanye emajuzi etitolo afuna kucatsanisa bunandzi bawo nalena yakhe. Utsi kuyasita kunatsa leyakhe yodvwa ngobe vele uhlala anayo.

U litsandze kakhulu lelibhizinisi lakhe ngobe sewubonile kutsi lisho imphumelelo. Kwakhula inshisekelo nekutimisela kulo. Kusho kutsi lapha ekhaya sebatsembela emafilijini akusayiwa etitolo kuyewutsengwa tinatfo. Nkhosikati Masina uneticu teBSc latitfole enyuvesi yasePitoli kanye neteProject Management latitfole enyuvesi yaseVenda. Ticu temfundvo yaNkhosikati Masina tiyamsita ekuchubeni lelibhizinisi lakhe nekuhlanganisa tinongo letifanele emkhicitweni wakhe.

[Vulemehlo Libanga 10, likhasi 73]

CAPHELA:


- Phendvula yonkhe imibuto ngemagama akho, ngaphandle kwekutsi uceliwe kutsi ucaphune.
- Emibutweni ledzinga imphendvulo yinye, bhala inombolo yembuto ilandzelwe yimphendvulo.

- | | | |
|-------|--|-----|
| 1.1.1 | Luhlobo luni lwebhizinisi lolwavulwa ngunkhosikati Masina? | (1) |
| 1.1.2 | Yini lesite Nkhosikati Masina ngelwati lwekuvula libhizinisi lakhe? | (1) |
| 1.1.3 | Bhala tizatfu leTIMBILI letenta kutsi Nkhosikati Masina adilivele emakhasimende ijuzi. | (2) |
| 1.1.4 | Bhala tinhlobo LETINTSATFU tetitselo letihlanganiswa enkampanini iSiyembili. | (3) |
| 1.1.5 | Sibona ngani kutsi liphupho laNkhosikati Masina lagcina liphumelele? Bhala liphuzu LINYE. | (1) |
| 1.1.6 | Bhala sizatfu lesenta kutsi umndeni waNkhosikati Masina utsenge lenye ijuzi etitolo. | (1) |
| 1.1.7 | Yini lebangela kutsi Nkhosikati Masina angaveti indlela yekwenta ijuzi yakhe? Bhala emaphuzu LAMABILI. | (2) |

- 1.1.8 Ngutiphi letimo letiphatselene nekusebenta ngekudla? Bhala liphuzu LINYE. (1)
- 1.1.9 Kuyalunga yini kuchuba libhizinisi ekhaya? Sekela ngeliphuzu LINYE. (1)
- 1.1.10 Loluhlobo lwebhizinisi lungakwenta yini kutsi udvume kutemabhizinisi? Sekela ngemaphuzu LAMATSATFU. (3)
- 1.1.11 Ngekubona kwakho kungani umbhali asitjela ngeticu taNkhosikati Masina? Bhala KUBILI. (2)
- 1.1.12 Sifundvo sini lesitfolakala kuletheksthi? Bhala emaphuzu LAMABILI. (2)

1.2 Buka lesitfombe lesingentasi bese uphendvula imibuto letawulandzela.

ITHEKSTHI B



[www.nationalparks.co.za]

- 1.2.1 Yini lokukhombisa kutsi siciwi setinyamatane lesi lesisesitfombeni lesingenhla?
- A Bantfu bayacula.
 - B Kunemjaho wetimoto.
 - C Kubonakala indlovu.
 - D Kubhunya lutfuli.
- (1)

- 1.2.2 Kungani laba labasemotweni baphakamisa tandla esitfombeni? Bhala emaphuzu LAMABILI. (2)
- 1.2.3 Ngekubona kwakho wasindza yini lona lonyatselwa yindlovu esitfombeni? Sekela ngemaphuzu LAMABILI. (2)
- 1.2.4 Kwentelwani kutsi timoto tasesiciwini setinyamatane tihlale tivulekile? (1)
- 1.2.5 Ticiwi tiwukhulisa njani umnotfo welive laseNingizimu Afrika? Bhala emaphuzu LAMABILI. (2)
- 1.2.6 Sifundvo sini lesisitfolo kulesitfombe lesingenhla? Bhala emaphuzu LAMABILI. (2)

SAMBA SIGABA A: 30

SIGABA B: SIFINYETO**UMBUTO 2**

Fundza letheksthi lengentasi bese uyifinyeta ngemagama langabi ngetulu kwala-70.

Kuhle kutsi ucabangisise nangabe ufuna kugcina ingcondvo yakho ikhaliphile. Bhala sifinyeto ngetintfo longatenta kute **ukhaliphise ingcondvo yakho**.

CAPHELA:

- Sifinyeto sakho asibe ngemaphuzu LASIKHOMBISA labhaleke ngemisho legcwele lengengci emagameni la-70.
- Nika emaphuzu akho tinombolo leticala ku-1 kuya ku-7.
- Umusho munye awumumatse liphuzu linye.
- Sebentisa emagama AKHO.
- Khombisa linani lemagama lowasebentisile kubakaki ekugcineni kwemphendvulo yakho.

KUKHALIPHISA INGCONDVO

Lucwaningo lukhombisa kutsi kutsatsa tincumo tekwenta lokutsite onkhe emalanga emphilweni yemuntfu kungatfutukisa kukhalipha kwengcondvo. Sati lesidvumile Roxan Langeveld unika teluleko letingasita kugcina ingcondvo ikhaliphile. Kunakekela umtimba wakho ngalokufanele kutfutukisa simo sekusebenta kwengcondvo. Kumele ulale ngalokwanele.

Bodokotela batsi kudzingeke kutsi ulale lokungenani ema-awa la-8 busuku bunye. Loku kukhutsata kutsi ingcondvo isebente ngalokufanele futsi ihlale ikhaliphile.

Lucwaningo luyaveta kutsi kutilolonga njalo kungasusa kukhatsala kwemitsambo, kukhatsala kweticubu temtimba bese kuphumuta nengcondvo. Ungatilolonga ngekusebentisa emaminithi la-10 ngelilanga uhamba, ugijima nobe wenta umsetjentana lotsite. Phela loku kungakwentela simanga sengcondvo lehlala ikhaliphile.

Fundza ngetinhlobo tekudla nemsebenti letiwentako emtimbeni wemuntfu. Kukhona kudla lokukhaliphisa ingcondvo kanye naloko lokuyenta ihlale ikhatsele futsi ingasebenti ngalokufanele. Dlani kudla lokunemphilo. Yehlisa lizinga lekudla lokunashukela, kudla kwasetikoteleni nobe emabhodleleni nekudla lokunemafutsa. Khuphula lizinga lekudla kudla lokusatinhlavana, lokufana nemabhontjisi, kolweni nemantongomane bese udla tibhidvo netitselo letanele.

Khutsata kusebenta kwetimvo takho letisihlanu. Kukhutsata imvo yakho yekubona, imvo yekulalela, imvo yekutsintsa, imvo yekunambitsa nemvo yekunuka kwenta kutsi ujabulele indzawo lokuyo. Ngekulalela umculo lomnandzi, kuba sendzaweni lenetimbali letinhle futsi letineliphunga lelimnandzi nekubona sitja embikwakho lesine kudla lokunukelela kamnandzi kwenta ingcondvo ikhaliphe.

Kwenta emahlanya kwenta kutsi ungahlali utfotfobele, unakana nebantfu futsi wetama kutsi ubonakale utimisele ngemsebenti wakho. Hlala uhleka futsi wente nemahlanya. Loku phela kwenta kutsi ingcondvo ikhaliphe. Lucwaningo luveta kutsi emahlanya neluhleko kwenta kutsi uhlale uphilile emtimbeni ungangenwa tifo malula. Kubalulekile-ke kutsi ube ngumuntfu lohlala ajabulile kwentela kutsi ingcondvo ikhaliphe.

Kulandzela imitsetfo nemibandzela letsite yekwenta tintfo kulungile kepha kungenta kutsi ube nesidzina saloko, utive sewuvilapha bese nelizinga lekusebenta kwengcondvo yakho kuyehla ngobe kungekho lokunye lokusha lokucabangako. Ntjintja indlela yekwenta tintfo. Hamba ngaleny indlela nawuya emsebentini, bukela luhlelo lolwehlukile lwethelevishini, ntjintja titsako tekudla lokudlako bese untjintja nendlela lotilolonga ngayo. Loku kutakwenta kutsi ingcondvo ikhaliphe.

Luhlobo lwebantfu lowetayelana nabo futsi lohlala unabo luba nemtselela lotsite endleleni locabanga ngayo. Khetsa bangani labahlakaniphile. Bantfu labahlakaniphile, tintfo lebatikhulumako nalabaticabangako tikulelinye lizinga leliphakeme futsi tijulile. Kutfolakala ucoca nebantfu labanje kwenta ingcondvo yakho ikhaliphe.

[Ihunyushwe ku-*Jet Klub*, Okthoba 2013]

SAMBA SIGABA B: 10

SIGABA C: LUHLELO NEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi lesingentasi bese uphendvula imibuto letawulandzela.

ITHEKSTHI C

WETAME LABANYENTI ... TAMA BOSIYATI!!!

Vakashela kaMHLABA WETIMBUTI
Sitsengisa ngemanani laphasi asefekthri emphakatsini
SIBAPHATSI LABASHA,
SINEMFUYO LENHLE KAKHULU!!!



SIPESELI!
Tsenga timbuti
letimbili utfole
tinkhukhu letimbili
MAHHALA HHA!



SINATO NETINKHUKHU LETIKHULUPHELE NGELINANI
LELIPHASI!
Walala Wasala! Sipeseli siphela nga-Disemba!

Sivula onkhe emalanga
Umsombuluko - Lwesihlanu: 08:00–17:00
NgeMgcibelo: 07:00–14:00
NgeLisontfo nangemaholide: 07:00–14:00

Sitfolakala Kalugedlane
Sibongile 083 777 3294

[Icanjiwe]

3.1 Sitsini sicubulo salesikhangisi? (1)

3.2 Bhala kube KUBILI lokukulesikhangisi lokungenta batsengi batsenge timbuti. (2)

- 3.3 Ngabe bosiyati bantfu labanjani?
Khetsa yinye imphendvulo.
- A Bantfu labatikhukhumetako.
B Bantfu labanelwati.
C Bantfu labanematekisi.
D Bantfu labadlala ibhola. (1)
- 3.4 Lenkhulumo lengentasi imdvonsa njani umtsengi lotsandza kuphila kahle?
'Tsenga timbuti letimbili utfole tinkhukhu letimbili MAHHALA HHA!' (1)
- 3.5 Nika tizatfu LETIMBILI letenta kutsi emagama lalandzelako abhaleke
ngekucindzetelwa ngalokumnyama nangabofeleba.
WETAME LABANYENTI ... TAMA BOSIYATI!!! (2)
- 3.6 Nika ligama lelikhomba indzawo kulomusho longentasi.
Vakashela kaMhlaba wetimbuti. (1)
- 3.7 Shano kutsi letinhlavu letidvwejelwe kulomusho longentasi tikuyiphi
imphambosi yesento.
Sitsengisa ngemanani laphasi asefekthri emphakatsini. (1)
- 3.8 Lenkhulumo lelandzelako isho kutsini?
Walala Wasala! (1)
- [10]

UMBUTO 4: IKHATHUNI

Fundza lekhathuni lengentasi bese uphendvula imibuto letawulandzela.

ITHEKSTHI D



[Star, 23 Septemba 2012]

- 4.1 Ngukuphi lokukhomba kutsi leliphoyisa lelisefreyimini ye-1 litfukutsele? (1)
- 4.2 Shano kutsi leligama lelidvvetjelwe efreyimini ye-1 liluhlobo luni **lwesichasiso**. (1)
- 4.3 Bhala ligama leliso **bunikati** kulomusho longentasi. Bengicabanga kutsi lilambu lesihlahla sakhisimusi (1)
- 4.4 Ngusiphi 'sipho sakhisimusi' liphoyisa lemgwaco lelasinika umshayeli? Khetsa yinye imphendvulo.
- A Limnika imali yakhisimusi.
B Limnika timbali takhisimusi.
C Limnika lithikithi lemgwaco.
D Limnika lithikithi lesitimela. (1)
- 4.5 KULICINISO yini nobe KULIPHUTSA kutsi inkhulumo yemshayeli efreyimini ye-1 ikhomba indzelelo? Sekela ngeliphuzu LINYE. (2)
- 4.6 Gucula leligama lelidvvetjelwe efreyimini ye-2 likhombe **sikhatsi lesengcile**. (1)
- 4.7 Ngekubona kwakho siyingoti ngani sento salomshayeli losefreyimini ye-1 sekweca lirobothi libovu? Bhala emaphuzu LAMATSATFU. (3)
- [10]**

UMBUTO 5: IPHROZI

- 5.1 Fundza lethekesthi lengentasi bese uphendvula imibuto letawulandzela.

ITHEKHSTHI E

LITSEMBA KULABASIKATI LABAHLUKUNYETIWE

Labasikati banemalungelo ekucela kuvikelwa ngemaphoyisa, njengesikhukhukati sivikela emantjwele aso. Emalunga emaphoyisa ('SAPS') kumele anike labasikati nebantfwana labahlukunyetiwe lwati lolumayelana nekutfola incwadzi yemtsetfo yekuvikela ('Protection order'), futsi abasite ekutfoleni indzawo lephephile. Ngulabasikati kuphela labahlukunyetwa kakhulu, futsi baba nesibindzi sekubika emaphoyiseni.


Emaphoyisa kufanele atfolele labo bantfu labahlukunyetiwe imitsi yekwelapha. Hawu! Kantsi kusekhona bobabe labahlukumeta bantfwana? Umtsetfo we 'Protection of Family Violence Act of 1913' utsi hulumende waseNingizimu Afrika utinikele ekuvikeleni labasikati kutsi bangahlaselwa. Labasikati labahlukunyetiwe bangatfoli incwadzi yemtsetfo enkantolo yekubavikela. Leyo ncwadzi itawutfunyelwa kumhlukumeti ngaphandle kwekutsi akhokhele tindleko. Umkhandlu wemaphoyisa ('SAPS') ugcugcutela bonkhe labasikati nebantfwana kutsi babike bugebengu lobentiwa kubo. Phela hulumende uwacashele loko emaphoyisa kutsi abeke liso kuto tigilamkhuba letihlukumeta bantfwana nalabasikati.

[Umcebo Welulwimi, Libanga 9]

- 5.1.1 Bhala ligama **lelingumcondvophika** esikhundleni seligama lelidvwetjelwe kulomusho lolandzelako.
Labasikati banemalungelo ekucela kuvikelwa. (1)
- 5.1.2 Hlanganisa lemisho lengentasi ngekusebentisa nasi **sihlanganisi:** futsi.
Emaphoyisa anika labasikati lwati.
Abasita ekutfoleni indzawo lephephile. (2)
- 5.1.3 Shano kutsi lomusho lolandzelako unasiphi **sinongo senkhulumo:** Njengesikhukhukati sivikela emantjwele aso. (1)
- 5.1.4 Khokha umusho kuletheksthi lengenhla **loneluvelomagama lolukhomba kumangala.** (1)
- 5.1.5 Uchazani lomusho lotsi, '**Kubeka liso**' kuletheksthi?
Khetsa imphendvulo.
A Kutisula ngeliduku ebusweni.
B Kucaphela lokungahambi kahle.
C Kungaboni ngeliso linye
D Kunakekela emehlo akho. (1)
- 5.1.6 Sebentisa leligama, '**sibindzi**' emishweni LEMIBILI likhombise tinchazelo letehlukene. (2)
- 5.1.7 Shano kutsi kungani lenkhulumo lengentasi **itsatse luhlangotsi.** 'Ngibo labasikati kuphela labahlukunyetwa kakhulu.' (1)
- 5.1.8 Bhala lemisho lelandzelako ibe inkhulumombiko: 'Ngingakusita?' kubuta liphoyisa. (2)
- 5.1.9 Bhala ligama **lelingumenti nalelingumentiswa** emshweni longentasi.
Tigilamkhuba tihlukumeta bantfwana. (2)
- 5.1.10 Bhala **bunye** beligama lelidvwetjelwe lelitfolakala emshweni longentasi.
Labasikati banemalungelo ekucela kuvikelwa ngemaphoyisa. (1)

5.2 Fundza lesitfombe lesingentasi bese uphendvula imibuto letawulandzela.

ITHEKHSTHI F



- 5.2.1 Efreyimini ye-1 kuneligama lelidvwetjelwe. Bhala ligama **leliphikisana** nalo. (1)
- 5.2.2 Kulomusho longentasi kuneligama **lelikhomba sikhatsi**. Libhale. Lomntfwana ngiyombhalisa kusasa. (1)
- 5.2.3 Shano kutsi lesento lesidvwetjelwe efreyimini ye-2 sikuyiphi **indlela yesento**. (1)
- 5.2.4 Bhala ligama linye lelikulesibonwa **lelimele lelibintana** lelilandzelako: (1)
- 'Indzawo lapho kunakekelwa khona bantfwana'.
- 5.2.5 Lungisa **ligama lelibhaleke** kabi emshweni longentasi. (1)
- zodwa, umntfwana wakho utfolakele.
- 5.2.6 Kulomusho longentasi kuneligama lelikhomba **buncane**. Libhale. Ngitsatse likhadi lemntfwana. (1)
- [20]

SAMBA SIGABA C: 40
SAMBA SAKO KONKHE: 80